

PANDUAN SOLAT HARI RAYA IDULFITRI

Solat hari raya Idulfitri dua rakaat hukumnya sunat, segala rukun dan syarat serta sunatnya sama seperti solat fardu yang lima, kecuali perkara sunat yang ditambahkan iaitu bertakbir tujuh kali pada rakaat pertama dan lima kali pada rakaat yang kedua, disertakan dengan bertasbih di antara tiap-tiap takbir.

1. Lafaz niat

أُصَلِّي سُنَّةَ عِيدِ الْفِطْرِ رَكَعَتَيْنِ أَدَاءً إِمَامًا/مَأْمُومًا لِلَّهِ تَعَالَى

Ertinya: “ Sahaja aku solat sunat Idulfitri dua rakaat tunai (sebagai Imam/ makmum) kerana Allah Taala.”

2. Lafaz tasbih

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ
الْعَظِيمِ

CARA MENUNAIKANNYA

Rakaat Pertama

1. Di mulai dengan lafaz takbir ratulihram dengan menyebut Allah hu Akbar disertakan dengan niat di dalam hati.
2. Membaca doa iftitah
3. Lafaz takbir tujuh kali di selangselikan dengan bacaan tasbih
4. Membaca surah al- Fatihah
5. Membaca surah al –Quran (di sunatkan membaca surah al-A’laa)
6. Meneruskan solat sehingga selesai rakaat pertama

Rakaat kedua

1. Di mulai dengan lafaz takbir intiqalat(takbir permulaan rakaat kedua)
2. Lafaz takbir lima kali di selangselikan dengan bacaan tasbih
3. Membaca surah al-Fatihah

4. Membaca surah al-Quran (di sunatkan dalam rakaat kedua membaca surah al-Ghaasyiyah)
5. Meneruskan solat sehingga selesai rakaat kedua
6. Memberi salam

KHUTBAH IDULFITRI

Khutbah Idulfitri sama dengan khutbah Jumaat dari segi rukunnya. Namun sunat di mulakan oleh khatib dengan lafaz takbir sebanyak sembilan kali berturut-turut pada khutbah pertama dan tujuh kali berturut-turut pada khutbah kedua.